



责任审校 吕可夫

胡静怡（10副）

馆友治祁兄杖朝之庆

索隐灯前，撚须枕上；
敲棋松下，醉月花间。

奉题黄沃若先生陋庐

琴书听月何尝陋；
松菊摇风别有庐。

题雷凡随心斋

有情文字随心写；
无愧幽明放胆眠。

题胡晖拾雨斋

拾来柳岸沾衣雨；
谱入芸窗漱玉词。

题张问群女史糊涂斋

吾愿所求非富贵；
人生难得是糊涂。

题张建明先生晓竹斋

卧听清风敲晓竹；
起研朱墨写春山。

题某企业家居室大门

赏花容易栽非易；
创业艰难守益难。

题某刊

不擅骈俪休撰赋；
饱经忧患始言诗。

感姜萍事有题

金榜未题名，有地位人无地缝；
蓬门偏出凤，无天恩处有天才。

网友出句，余试对之

雨润东坡草；（出）
枪挑北极熊。（对）

熊治祁（8副）

题堂兄农宅

竹韵莺声萦宅院；
天光云影映池塘。

集唐诗宋词七副

枫叶荻花秋瑟瑟；（白居易）
晚烟斜日思悠悠。（张孝祥）

乱云低薄暮；（杜甫）
流水绕孤村。（秦观）

荒城临古渡；（王维）
空壁扫秋蛇。（吴文英）

残萤栖玉露；（许浑）
缺月挂疏桐。（苏轼）

情人怨遥夜；（张九龄）
渔唱起三更。（陈与义）

露从今夜白；（杜甫）
花是去年红。（王安石）

月微花漠漠；（元稹）
风细柳斜斜。（苏轼）

熊东遨（10副）

觅竹新得麟儿予亦沾喜拟此为祝

父子缘百世修来，松竹挺岩崖，宜雨宜晴宜雪；
风云志四方铸就，骅骝开道路，有为有守有成。

白云均禾景区主牌楼

珠露润均禾，四时佳物同沾溉；
白云环石马，千古名山足倚凭。

贺中国楹联馆开馆

万象涵容，有馆能藏，藏古藏今藏世界；
群峰耸峙，无时不乐，乐人乐己乐清平。

题太空莲

巡礼驭东风，西子休惊，星辰手摘开先例；
凌波当夏日，春光莫笑，梅菊名高是后来。

岳麓印社成立十周年志庆

十载费经营，凭金石撑持，法效西泠开别径；
三湘增气象，得水云涵泳，势承南岳创新高。

夏日田心村即笔

烈马卧青山，隐阅古今，自谙其道；
灵禽巡碧水，漫观来去，足慰所思。

四友图书馆

一脉古今通，活水清源，足供沾溉；
百年风骨在，高怀大义，代有承传。

夏晚读唐诗隐括寄怀

夜行船泊市桥边，钟响鸦啼，远客都从愁里听；
将进酒随山月下，松环竹列，谪仙例向醉中呼。

注：两比分别取材于《枫桥夜泊》《下终南山过斛斯山人宿置酒》。一代张继言，一画太白像。

入夏偶成

久客未还乡，听夜雨敲窗，点滴都成怀旧曲；
临江初试笔，看朝阳炫彩，浅深皆是创新图。

闲居集唐四家句遣兴

孤鸿海上来，看弄渔舟移白日；
明月松间照，便披鹤氅对清风。

注：分别集自张九龄、杜甫、王维、皮日休。

吕可夫（10副）

题北京怀柔雁栖湖仿宋九层古塔山门牌坊

九边雁阵，万堞燕山，云岚不碍望丹陛；
六夏风荷，三春烟柳，水墨无须泼翠澜。

衡州古八景

雁峰烟雨

雁到此峰回，更羁旅何堪？忍听古刹晚钟，鹧鸪凄切霜
凉月；

烟从池面起，幸涌泉不涸，长带清湘细雨，山水迷蒙人
在云。

石鼓江山

一石扼三流，眺蒸湘汇来，突兀青圆，带砺江山浮翠黛；
九州名四院，自唐宋迄清，俨然洙泗，弦歌风月继春秋。

花药春溪

一屏画不如，竟惹得木石结庐，金玉飞烟，山花练紫；
千载溪无恙，还依然蛟龙舞影，清凉胜雪，春水涨蓝。

岳屏雪鸟

百仞峰翠羽丹翎，为争草木葳蕤，舞燕流莺春到夏；
一夜雪银装素裹，未减山林喧闹，遮天蔽日影如云。

朱陵仙洞

通衡岳水帘百里，往还一瞬间，怪不得名道炼丹，高僧传钵；
勒唐朝诗韵千章，翰墨今何处？惜只剩残碑缺字，断碣覆苔。

青草桥头

八百年驿道桥连，看六途车马水流，行旅争经春草渡；
二三里酒家林立，望两岸旗幡风乱，牧童误指杏花村。

东洲桃浪

云树暖东洲，浮江心一片丹霞，桃花春涨胭脂水；
烟波接南岳，映渚上数檐黛瓦，柳絮风传卷帙声。

西湖白莲

名士爱西湖，曾经郑向结庐，茂叔读书，无非百顷藕花雪；
濂溪流北宋，若论文章风骨，情怀格调，总说一篇君子莲。

老父亲

鱼尾纹，鹭头霜，还能消几番风雨？叹仰止高山，蹈艰负重终弯背；

垫脚石，顶梁柱，更传得一脉精神，教后来大木，立地擎天不折腰。

楚石（10副）

题岳麓书院

此间有腾蛟气象；
在下追大哲风骚。

题邵阳市岳飞纪念堂墨迹图

纵看笔法如枪法；
细究心痕似墨痕。

题石斋山房

风挠翠竹新含箨；
月入清塘旧听蛙。

题株洲市非遗馆戏台

箫管吹开承绝响；
梨园翻唱有遗篇。

题浔阳楼

我本楚狂人，对九派江流，浊酒几杯谁在眼；
今为浔上客，踏三吴碧浪，清风满袖最开怀。

题衡阳石鼓书院

石镇双流，纵看一簧楼阁，揽雁峰烟雨，衡岳松云，点缀些风月江山，学府千年添锦绣；

鼓催午夜，披研万卷诗书，继邹鲁儒宗，濂溪道脉，莫放过春秋旦夕，湘波九曲孕文章。

题醴陵望江楼

登楼揽胜，状元洲郁其芳，仙山霜醉其红，瓷谷斑斓其彩，书院春秋其盛，朱张圣迹其幽，云岩暮鼓其遥，九曲渌江开画卷；

凭槛兴怀，季远性情之烈，吴猎学思之笃，阳明天地之心，李旼烟火之花，左督英豪之气，颂叟和平之义，千年人物竞风流。

题益阳周立波故居

品格立言，笔中骤雨山乡，巨帙两雄开一派；
清溪流韵，陌上桑田风物，高峰重仰在三秋。

挽中国书法家协会原主席沈鹏先生

问字忆当年，翰墨雁传，两行诗草怀前辈；
闻公归上界，书坛星落，万里长风悲早秋。

挽湘潭市书法家协会原主席（衡山籍）黄苏民先生

书风追白石；
乡谊共衡山。

张建明（6副）

友人之母四十年前花了四个月薪资，购得一风扇，
而今终于不能摇头了，感而有赋

六合间吹尽凉风，偏赢赞口；
四十载老于世故，不再摇头。

贺张力强兄母寿

老妪本神仙，渭洞得东来紫气无边，九秩筵开承祖荫；
子孙荣社稷，文峰合南极清辉朗照，千秋业起共龙腾。

有感于西瓜交易

种瓜得者苦，食瓜得者甜，敢问诸君，是所谓先苦而后甜者也？
制秤衡其公，持秤衡其正，因缘一意，须常存秉公而守正其乎？

题金饶山山门

金饶浮绿韵，抱三百余里清幽，驾雾腾云，奔来眼底；
白石老苍冥，衔八十四峰奇绝，呼今唤古，跃上心头。

寒 食

隐隐恩光，一炽千秋留禁火；
纷纷泪雨，孤坟九叩说思亲。

题友人山居

孤馆卧深沉，烛影摇红，凤凰台上箫吹忆；
一山飞缥缈，云涛荡碧，黄鹤楼中笛啭空。

罗冈（6副）

题零食日用品店

千家资日用；
零食解君馋。

赠王世波、陆海琴贤伉俪

世间已惯波涛急；
海上来听琴瑟谐。

题长郡文庙坪小学校史馆

馆呈十纪渊源古；
园得三春雨露新。

题麻阳长寿谷

水阔山深，风物宜人长寿谷；
橙黄橘绿，烟霞绕树小康家。

挽史鹏诗翁

遗想犹存梦里，邓伯道走青山、望白云，不胜契阔；
高吟长绕梁间，王摩诘啭黄鹂、歌红豆，何处逍遥。

挽黄政海先生

城北望新京，早岁艰难，感奋铮铮成幻梦；
江西传绝学，雄文跌宕，风霜凛凛恻劳人。

周永红（8副）

文 翁

泮水举贤能，掖扶蜀郡诸生，石室千秋蒙化雨；
湔江遗德泽，沾溉彭州百姓，川流万里播循声。

洪 迈

宦海拓胸襟，有容斋唾玉记之，文史一炉班马思；
翰林撑骨鲠，为宋室赴金使者，土疆半壁岳韩心。

庞安时

术绍岐黄，功追扁华，妙得长沙遗旨，总论伤寒，洵北宋
医王，针砭独恤炎凉苦；

声扬吴楚，义播江淮，溥施蕲水春风，尽消疾患，友东坡
词客，药石还怜翰墨香。

阳朔峰林

峰林演三千界奇妙化身，看水山洞石各呈乖巧玲珑八面
观，似儿孙绕膝承欢，捧心献彩；

索道穿五亿年斑斓光隧，有鸟兽虫鱼合写沧桑浪漫一方
史，引客子忘情世外，如意云端。

隆回凤凰山庄

山引凤凰栖，听鸟唱虫鸣，榻间卧抱江边月；

杯邀蟾兔饮，看龙游虾戏，楼际坐扞天上星。

隆回青云之家

修齐家国上，卜宅麻塘老树，迎风月满襟，宜乎白马放南
山，青云登北阙；

造化艺文中，敲枰桑海烂柯，对烟霞万壑，阅见神州号东
胜，仙境曰西池。

隆回龙瑶幽谷

或疑穆天子西行幽会驾乘云辇所经，倏尔见黄龙施霖雨甘霖，到如今剩玉树瑶池供想象；

抑亦魏夫人南岳清修徙倚雪峰而憩，昭然有白马出光风霁月，即从此携金丹宝剑作飞升。

偶 题

君子交只淡然，白开水一杯可也；

小人合唯利耳，雪花银万两宜之。

石印文（4副）

题益阳月明楼^①

知己相逢，当年系马人牵柳；

春风遍度，此际擎云月上楼。

注：①旧为一知名饭馆，今改建为明清古巷地标建筑。

代桃林村委挽石母甘老孺人

睦亲族咸夸钟郝，育儿郎振起陶朱，慈竹任风摧，世代能
传贤母德；

返瑶池正值三春，归鹤驾初逢八二，婺星偕月冷，乌菟同
切里人哀。

挽邹公代楨老人^①

教儿享联界殊荣，砥砺向名山，世有六人号犹子；
作稼得稷门真法，勤劳臻上寿，家多余福报仁怀。

注：①享寿九十七，其子宗德为湖湘楹联七子之一。

先慈灵堂

鞠我赖春晖，遥怜跪乳年光，恃爱人生欢有限；
奈何悲寸草，怕对归家情景，倚闾身影痛成单。

谢宏治（1副）

李 泌

食煨芋，半窗灯月十年相；
极高明，一壑烟霞万卷书。

蔡聪（4副）

湘西凤凰熊希龄故居

扶九万里风云，善举高擎家国业；
怀第一流人物，青山不老凤凰仪。

贺章台诗社成立四十周年

高台晤对天心澈；
大地春来诗眼青。

煮书楼

煮酒论天下才，风流横槊忆操耳；
书心鉴尘寰事，河岳当窗正浩然。

荔枝公园

红尘笑开元天宝，碧树摇罗幕珠帘，犹宜三四月携侣从
游，荔雨徘徊香若雪；
望不断南国榕烟，歌未绝斯文吾道，恰似六七人舞雩归
咏，诗风吹送水长青。

关波涛（7副）

石溪村

石路千盘花气馥；
溪流万里庆云多。

华汉茶叶庄园

雪笋氤氲分早绿；
茶山缱绻话知青。

凤山书院观景亭

观景何如观书乐；
问心长似问学难。

水湿地公园

湿地本多情，涵容万类；
中方诚有幸，造化千秋。

东渡寺山门殿

利济扶桑，非色非空真世界；
成功圣地，渡人渡己即如来。

凤山书院

凤翥鸾翔，看多士青云直上；
山高月小，喜此间活水萦回。

凤鸣楼

到此登楼，看彩凤来仪，神龟饮水；
问谁吹笛，惹千岩竞秀，百鸟争鸣。

胡晖（5副）

浏阳河堤

鹭鸟应怜秋水瘦；
芦花不畏月光寒。

白浮泉

岂负引渠人，待九龙破壁，漱玉飞珠，便西折为容，南驰以纳，许三千里繁华，来彰大国；

犹凭溯源者，忆众鸟追帆，橹声纤影，对泉浮白月，潭积紫烟，谙七百年载覆，再续长河。

宜宾东楼

临风而望，大江东逝矣。叠嶂平川，与寻云梦沙鸥，武昌黄鹤，洪都孤鹜，今古忆谁人？汤汤浩浩眼前去；

把盏言欢，中夜此宜哉。轻红重碧，犹记使君春酒，歌者罗裙，诗圣愁思，薨檐飞短笛，袅袅依依心上来。

花蕊夫人

犹念冰肌，怜几重心字着罗衣，芙蓉露下恩承蕊；
惟留玉骨，耻十万男儿抛铁甲，杜宇声中恨作花。

君子砖

二字铭成，纵人间翻覆两千年，未曾风蚀；
一朝访得，便掌上摩挲三百遍，休教尘蒙。

黄波（4副）

题瑾逸轩

琴声知我静；
墨竹舞风清。

造访麓隐青竹湖

心旷神怡，太阳山下瞻林麓；
才高品雅，青竹湖边隐此身。

题湜湜如尔公众号

虽逢渭水，不改其清，唯愿世间人，湜湜如尔；
纵是丹萤，效颦那月，或于寒夜里，熠熠生辉。

题道远书院

道虽远，行将至；
德不孤，必有邻。

黄去非（4副）

幕阜山老母殿

化生万物，道配三皇，救世界而克尽神通，华夏至今尊始祖；
灵聚二山，功垂六合，施光明而遍敷礼义，人民终古感殊恩。

敬挽何公培金老先生二副

著五车书，成一家言，巍然翰苑功臣，湘上向来推巨擘；
陨三冬泪，作百年别，惭愧巴陵末学，前程何处仰仪型。

蔼然仁者，矍铄仙翁，奈何二竖相侵，遂使一朝永别；
著作等身，传家有道，不管风悲雨泣，堪夸子孝孙贤。

张公世云老先生千古

乡邦贤达，杏苑名师，几度幸瞻韩，犹记麻塘曾奉酒；
云梦天低，洞庭波咽，一时惊驾鹤，那堪小子永伤怀。

毛竹（4副）

露

攒珠在叶，缀玉于枝，示槐宫六喻未空，富贵得来随世幻；
入夜方凝，侵晨便散，同桂阙两间相守，团圆留否到人醒。

曹植

沸鼎本难调，天有厚司马心，枉费兹蚁梦群伦，不为萁、即为豆；
流觞谁可续，世无多掣鲸手，故散此鸿才异代，初谓李、复谓苏。

安史之乱

汉之弊在宗戚，晋之弊在藩屏，长安迭股肱哀，溃堤间孰
寇孰王，百劫俱为戎马冢；

李国公甚专权，杨国公甚穷武，大乱作脓疮破，沉陆者非
夷非虏，九州原似蛀虫巢。

函谷关

关口有万重晴霭，浮沉不歇，熙攘不穷，试看三百里间，
杳杳循西京至，东京至，苍狗白衣，锁钥无拘，偶衍为秦，衍
为汉，衍为史海纵横，豁此胸怀，莫问兴焉废焉，一谷默然观
蓄翠；

人心似九曲黄流，抑塞难疏、浑蒙难澈，遂降五千言者，
冥冥在耶氏先、释氏先，青牛素牍，樊篱便破，复踵以法、踵
以名、踵以尼山伯仲，慧诸耳目，何妨昔也今也，群峰遐迹听
谈玄。

杨新跃（4副）

题长沙岳麓印社

大麓披图，岭云留白；
一亭铃印，秋叶渥丹。

集句题心古堂

即心是佛；
与古为徒。

题湘乡四中秋季开学

四野秋光，嘉禾待熟；
中天云影，霖雨将兴。

题某农耕文化园

春种秋收，大哉后土有化；
劝耕课读，允矣圣人之言。

卢勇（4副）

重渡沟千年菩提树

风雨立千年，看熙攘往来间，问谁存见性明心之想；
溪山行半日，寄形骸名利外，携我以流泉飞瀑而归。

长相思

长亭更短亭，看行影依稀，竟空回首、不可言、了无寻处；
今夕复何夕，寄归心迢渺，在酒醒迟，人散后，月半明时。

赠中国青年楹联学堂乞虚堂

群经翁受、大道不孤，冀诸君雏凤清音，万里江山供健笔；
巴蜀风涛、岷峨雪浪，化九域元龙豪气，两行文字识高怀。

郭嵩焘墓

政论昭于国史、文章藏入名山，用舍穷通，最难能万里归来，瀛海风涛开醒眼；

危言妄见讥评、忠信横遭物议，浮沉毁誉，只留得一丘高卧，乡关泉石证孤心。

郭彦波（4副）

东坡赤壁

自古青云所隔真无二，或昌黎秦岭，或安国洞庭，若然心系龙颜，欲脱樊篱非几日；

闻其赤壁之游亦有三，时豪杰江山，时蜉蝣天地，于此梦留鹤背，暂忘水月是何年。

康有为故居

居无波之南海，犹邻抱朴子丹炉，继踵起沉疴，百日涎香添祖第；

阅有道者中山，亦囿饮冰人材器，潜身亏远节，六君血气补公门。

白鹿寺

昔人一去，白鹿不归，幸禅境幽深，犹渡来资水波光，龙山霞色；

明月初升，青篷欲泊，听梵钟清越，疑误至姑苏城外，灵隐峰前。

处暑感怀

乞昨宵新巧，入明朝新服，几时岭峤凉生，宜叹龙茶，宜吹桂露；

不数日中元，复一月中秋，千里阇闾热望，与询鱼醢，与共松醪。

颜资芳（4副）

乌 山

云鹤不须呼，山水相娱，跌坐烟霞生梵呗；

仙人谁与晤，碣碑犹辨，同携诗酒上亭台。

苏州虎丘

霸业久消磨，剩湛水一池，云起青峦余剑气；

天花凭认取，坐苍苔片石，风移白月照禅心。

响茀门茶亭

白云浮古道，碧水抱高亭，煮一壶洗净尘埃，自有清风生足底；
世事本纷繁，穷途何岫茀，去百步开张胸胆，信知明月在峰头。

鸟鼠山

夏禹息壤以湮洪，秦皇挥鞭而信马，品泉看殊类同归，岂
待冥搜穷物理；

陇云开绵延千载，渭水出兴替八朝，驻蹕访遗踪犹在，从
来基兆识天心。

何为民（4副）

野 花

开烂漫以酬节气，并草木际天，维其时蕙风畅、好雨生、
层林尽染；

爱暖凉自有心情，恰青春在我，固所愿曲径幽、沟渠寂、
旷野无边。

马江海战

警钟鸣泽国战图哀折戟沉沙，西北起贪狼，十载兵连，甲申甲午；

公祭慰昭忠英烈已今非昔比，东南皆卧榻，千秋血碧，铸舰铸人。

小黄楼

亭阁水云闲，葺一隅就养栖迟，好凭叠石流泉，登临真解知鱼乐；

巷坊冠盖满，逾千载瞻依发轫，到底里仁邻德，弘毅谁为济世才。

南皮尹吉甫墓

展墓溯前朝，将在外尝十数载驱驰，襄赞中兴，维扬我武；
抗颜资后世，思无邪是三百篇定论，风评异代，未丧斯文。

陈伯玲（4副）

贺新化白溪诗社成立二十周年

袖中诗本，襟上酒痕，廿年结社高吟，展笺看资水奔腾，
雪峰雄峻；

雏起风声，老扬骥足，五月流觞雅集，拈韵赋新时气象，
古镇人文。

红二军团长征司令部旧址

陈列记当年，指顾从容，庭院犹余龙虎气；
追寻生壮慨，往来熙攘，江山终见禹汤天。

新化红茶

是梅山灵气所钟，故生几树清嘉，品臻奇逸；
邀雅士闲时而聚，最喜一杯馥郁，色漾澄红。

罗盛教

烽烟起百战艰难，唇齿相依，义举铸两邦情谊；
异域彰千秋壮烈，湖湘有望，英魂招万里关山。

谢卫民（4副）

登龙山岳平顶

到此最随心。且容衣染花香、鞋涸草露，风云拂我须眉侧；
居高宜放眼。试问倚峦孤日、伏首群峰，天地在谁丘壑中？

新邵白水洞

青山壁立，银涛鼓响，足当以此地奇之。且清我俗世胸
怀，凡尘耳目；

阡陌交通，鸡犬相闻，直可为外人道也。莫怕他渔郎甫
去，子骥重来。

瞻仰衡阳抗日英雄纪念碑

先烈骨犹森，遗冢月犹寒，敢忘泪著血书史？

东条魂未散，倭奴心未死，莫歇枕头待旦戈！

游杭州西湖

湖如西子镜，照羞了霞晴烟雨，塔态亭姿，燕服荷裙，月
庞星眼。笑我多情，横驾一篷儿，褻渎余杭无限美；

柳曳楚腰丝，绾得住苏伎风仪，蛇仙话本，东坡韵事，白
傅诗传。凭舷少憩，闲招三酒客，称量吴越不平人。

蒋昌典（4副）

杜甫故里

斑驳墙记才俊风华，乡月自多情，家敞砖窑，魂牵雪鬓；
乱离泪化沧桑词句，文星原有兆，山横笔架，位待霜毫。

双峰富厚堂

挽河山半壁旋马来归，排闼苍峦如旧识；
隐烟水五湖浮舟偶坐，牵衣翠盖待新题。

新疆天山

王母盛筵开，穆王车乘至，骐驎少年，待把天池斟作酒；
抬棺敬左公，种棉思虎旅，湖湘子弟，敢将春柳拨成弦。

以《后赤壁赋》意为联

焉有酒鱼焉有客子，收万顷而激波光，水落感盈虚，曾几
江山今不识；

假之云鹤假之道仙，放中流托为梦幻，户开空怅惘，故交
声气杳难寻。

吴振奇（4副）

鉴真东渡寺山门

山连慧日祥云，应追思觉海涛声，慈航东渡；
门纳清风明月，凭领受梵天花雨，佛祖西来。

咏酎酒

蕴九曲其灵，宗杜康其诀，酿法有奇方，醇香堪醉宫前月；
承一村之古，秉谢氏之新，匠心出极品，酎酒喜迎天下宾。

退休生活

园中浇菜，盆内蒔花，一头白发身犹健；
案上题诗，窗前寄慨，满目青山夕照明。

代人挽岳父

庠序播春风，誉享终身，看桃李芳菲，怅叹恩波泗水远；
馆甥承厚爱，荣依玉树，痛蓬瀛缥缈，空怀道范岱云深。

黄建中（4副）

悼周光召先生

响二次雷霆，当年核弹轰鸣，斯际巨星陨落；
付一生心血，已使红旗增色，还教青史垂名。

《湖南日报》创刊七十五周年

党报重民生，篇幅万千，长传口上；
社龄同国寿，春秋七五，共祝樽前。

题长沙贾太傅祠

吐谈高论，授以帝师，叹汉皇前席虽虚，苍生不悯鬼神问；
放逐长沙，赋之鹏鸟，愿今日后尘莫步，古井映来祠庙新。

题宁乡第一个党支部（在梅花中学内）

谁将前哲缅怀，一片梅花香绕馆；
党唤宁乡觉醒，百年支部史垂名。

雷凡（6副）

题南岳祝融峰

雄冠南山七二云峰，毓秀钟灵，大雁回时，最喜看天柱晨曦，湘流夕照；

名扬寰海三千世界，烟燎火旺，佛光洒处，总长护一方净土，百代黎元。

题黄河古栈道遗址

古栈始何年，抚峭壁间圆窿方孔，断级残磴，烟雨欲来时，隐约河风传号子；

游人欣此际，眺重岚外画栋凌天，琼台照水，兰舟新泊处，苍茫尘世胜蓬山。

题金洲湖湿地公园

金波荡漾，草色氤氲，翩跹白鹭云天外；

隔岸呼朋，偏舟载酒，碧渚留连花树间。

题平江杜甫墓祠

苦于秦，困于川，魂归三楚；

诗曰史，人曰圣，祀享千秋。

题咸阳古渡

胜境此重开，有丹阁连云，青山照水；
古风今尚在，赏阳关三叠，明月一楼。

题深圳南头古城关帝庙

功昭西蜀，凭匹马单刀，独当吴魏三分国；
气壮南陲，看鹏城碧海，再续英雄一部书。

李春梅（3副）

题三板桥楹联之乡

楮墨说风流，谁邀楹柱三千韵；
瑰才经月旦，冠取联花第一乡。

题吉内得国家稻田公园

乡园多胜概，潏滟于春，灿烂于秋，气象四时勤擘画；
光景趁佳游，葱茏在左，缤纷在右，风情十里更安排。

题洞阳云峰台

地脉自钟灵，数百年不歇清流，泽萦乡土；
云峰偕作友，三千顷森然迭嶂，绿到桑麻。

李意坚（3副）

樱 花

浮空苒若，匝地缤纷，花开花落三春树；
络绎成蹊，沦湮化土，时雨时晴二月天。

贺长沙岳麓印社落户岳麓山一周年

有文字在，便金石存，定址向名山，青苍相守开生面，一
而十年十而百年，百后无穷吾社老；

踞林泉幽，得烟霞趣，操刀笃末艺，朱白谋新具匠心，古
又今者今又来者，来时不尽妙才多。

题桃花

一树繁开天下春，物外游芳今古是。曾经故地感重来，殷
殷崔护伤魂，耿耿刘郎快意；

千花掩映溪边洞，武陵寻径世年非。尚想秦殃欣避去，砧
砧桑麻有自，陶陶鸡犬无违。

刘建中（2副）

白 鹭

悠闲青绿间，偶尔现身非表白；
辗转风流界，经常出彩未趋红。

农家乐

自种自收，财产添从勤奋处；
有田有地，农家乐自改开时。

刘与权（6副）

题苏州虎丘

虎地尚余威，想曩时勾践阖闾，争霸称王雄一瞬；
丘山留众望，凭此处刀光剑气，抚今吊古视千年。

题苏州拙政园

养拙趁幽闲，花前品茗，池畔观鱼，流憩度晨昏，风月此
间殊世界；

置园归隐逸，王氏开端，徐公继踵，兴衰系分合，江山终
极属蒸民。

题寒山寺

且寻霞客下三吴，欲步前贤芳躅；
不共寒山同一宿，焉闻半夜钟声。

题南京秦淮河

游兴满秦淮，醉心于洗耳桨声，豁眸灯影；
骋怀正春夜，遥想那八名艳色，十里珠帘。

题宁乡风雨廊桥

廊道拥千姿，风前雨里心常惬；
桥头连两岸，渚绿洲红水亦香。

题王羲之金庭观

狮蹲凤阙，鲤跃龙门，仰观晋字煌煌，入木三分惊铁画；
瀑布铺毡，鹤峰举案，呼起荆溪滚滚，虔心九叩敬金庭。

刘正奇（4副）

避地

游兴任寻浇酒地，叹民瘼如斯，叹世瘼如彼；
江南虽是好他乡，破山中贼易，破心中贼难。

物 候

旖旎流风，无洪波涌起；
踌躇物候，是客子归来。

曹郎沧海

任性而行，饮酒不节，恣君临天下；
倾之以术，韬晦权衡，安念顾一隅。

青龙节示儿

露缀珠玑，春风消息；
霞舒锦绣，龙马精神。

罗伟雄（4副）

恒 大

舞罢夜阑珊，更心头潮水，袖里金山，生平爱赏白娘子；
梦回春寂寞，剩账上楼盘，手中伞柄，死鬼空呼许大哥。

友 情

是酌亦对君，歌亦为君，太白昔呼将进酒；
有必不堪者，甚不可者，巨源重读绝交书。

诗词群

世上杠头多，愿诸君舌剑唇枪，慎勿忘言者无心，闻者足诚；
眼前诗意满，尽吾辈偷梁换柱，只吟得昔我往矣，今我来思。

饮 酒

伶纵陶闲籍狂白浪苏豪，谁在前三甲？
鲸吞龙吸虎咽牛回狗舔，不堪第五流。

王朝晖（4副）

登龙山

拔地千寻，定攀登热闹山头，子固说青青草色；
仰天一笑，须寻个清闲场所，醉吟云日日春华。

重 阳

莫随摩诘争名，纵佳节每逢，也要把茱萸常插；
不与孟嘉斗嘴，若龙山再步，我须将帽子扶牢。

谒对越自卫还击作战同班战友游祥烈士墓再题

想当年歌薤无人，可怜黄土埋君，已成半世；
叨此日充饥有米，所幸苍天佑我，苦度余生。

雨水节偶题

刘长卿甚觉无聊，望此时帆影遥乎？渡头草绿；
李后主何其有味，说什么林花谢了，岸上春红。

肖志国（4副）

纪念许光达诞辰一百一十六周年

文能制策，武可安邦，犹钦百战韬谋，报国一身悲柱老；
麟阁辞銜，柳营掌印，但问千秋毁誉，含冤三字叹星沉。

登黄鹤楼

楼雄三楚，黄鹤归来，重谱落梅吹玉笛；
水汇百川，白云在望，醉邀明月倒金樽。

贺碧峰老朽（网名）卿先生七秩大寿

从碧峰而下，枕二分秋月箫声，翩翩击楫中流，语我古稀
难置信；

唯老朽自矜，领一管春风词笔，款款踏歌极浦，扬葩诗苑
足传奇。

挽台属伏焯曙先生

四十年痛泪浇天，更红羊遇劫，幸得春风化雨。自此民声入耳，忧乐关情，堂庙何曾忘竹石；

三千仞悬崖走笔，喜陶令归田，好从寸草寻幽。谁知雁语鸣悲，音容顿杳，诗朋未忍哭衣冠。

谢子中（4副）

荷 花

神若瑶仙清且傲；

态如西子妙而娇。

贺泇水源农民诗社成立

泇水源头，看崇山峻岭，自是众峰高处；

农民诗社，有修竹茂林，重开一域新声。

梅花中学展览厅

六艺藏身，学有专攻兼以博；

三才载道，思而能定启于行。

橘子洲

经上古而成，使江流分下，舟遇风波能避险；
有骚人作赋，登橘岛长吟，路虽曲折应朝前。

谢紫云（2副）

读山诗社二〇〇三年年会

春潮滚滚，一轮明月来听水；
骚客翩翩，无限深情去读山。

自题书斋

敲韵不曾闲处老；
读书何碍夕阳迟。

田翔玲（3副）

贺湘滨镇百米诗墙竣工及十年社庆

百米尽抒怀，高阁栖云，画境宏开湘浦月；
十年欣聚首，平湖把酒，春风激荡洞庭潮。

挽张锡勋老先生

居簧序一隅，吟宋韵唐风，笔墨生涯君未老；
睹诗文满篋，叹雪凄云黯，梅花消息鹤无归。

登长沙天心阁

踏浪下长沙，谙四面云山，不复边陲嘶铁马；
抱襟登杰阁，赏万家烟火，好吹玉笛唤天心。